

Inatsisartut suleriaasianni § 33 naapertorlugu Inatsisinut Ataatsimiititaliamut ilaasortat matumuu-na aalajangiiffigisassatut siunnersuut tulliuuttoq saqqummiuppaat:

Inatsisartut Ombudsmandiata 2023-mut nalunaarutaata Inatsisartunit tusaatissatut tigune-qarnissaanik Inatsisartut aalajangiiffigisassaattut siunnersut.

(Inatsisinut Ataatsimiititaliaq: Anders Olsen ataatsimiititaliap siulittaasua, Siumut, Aqqalu C. Jerimiassen, ataatsimiititaliap siulittaasuata tullia, Atassut, Adam Kristensen, Inuit Ataqatigiit, Juliane Enoksen, Inuit Ataqatigiit, Kuno Fencker, Siumut)

Tungavilersuut:

Inatsisartut ombudsmandi pisussaaffilersimavaat, allaffissornikkut inatsisit innerfiisa, tassa killiliussaasa iluanni ingerlatsinersut, inatsiseqartitsinikkullu malittarisassat allassimanngitsut, tassa torersumik aqutsisussaanerup qulakkeersimajuarnissaanik nakkutiginnittussatut.

Ombudsmandi ivertitaavoq inatsisartut sinnerlugit, Naalakkersuisut, toqqakkat atorfilikkallu pissaanermik akisussaaffilerneqarsimasut nakkutigissallugit. Taamatullu aamma innuttaasut inatsisitigut nalinginnarineqannginnissaannik qulakkeerinneqataasussatut. Tassa inatsisartut innuttaasullu ombudsmanderaat.

Inatsisartut ombudsmandiat ukiut tamaasa Inatsisartunut nalunaarusiortarpoq, tassani ombudsmandip ukiumi qaangiuttumi suliarisimasani nassuiaassutigisarlugit.

Ombudsmandip ukiumut qaangiuttumut 2023-mut nalunaarusiaani – aammaarluni – suliani inatsisinillu atuutsitsinermi kukkunernik amigaatinilluunniit, allaffissortunut kukkutaartortunut inatsisartullu inatsiseqartitsinermit ataatsimiititaliaanut kalerriussisarnernik imaqarpoq.

Ukiuni kingullerni ombudsmandip ukiumut nalunaarusiai, ilanngutassianik ajornartorsiutinik assigiinngitsunik, pisortanut inatsisartunulluunniit soqutiginaateqarsinnaasunik imaqarput.

Ombudsmandimit ukiumut nalunaarusiaq taamaalilluni ilisimasatigut annertusaaqataassaaq, aammalu innuttaasut inatsisitigut innarlitsaaliorneqarneranni, pisortallu suliasaminnik eqqortumik naammassinninnissaanni ilungersuuteqarnermi ikorfatut sakkusajuassaaq.

Inatsisartuni akuerisassanngorlugu uuma siunnersuutip saqqummiunneqarnera sioqqullugu Inatsisartut Inatsisinut Ataatsimiititaliaata ombudsmandi ataatsimeeqatigisimavaa. Ataatsimiinnermi tamatumani ataatsimiititaliamit immikkut soqutiginarsinnaasut pillugit, ukiumut nalunaarusiap ilaaniit ombudsmandi paasissutissiivoq.

Ombudsmandip nalunaarusiamini kommunit siusinaartumik sulisinnaajunnaarnersiutinik suliat marluk tamanut tusarliunneqarsimasut saqqummiuppai, ilaatigut ombudsmandip suliarnik paamaarussisimanerit pillugit isornartorsiorsimasai. Siullermi suliap suliarineqarnerani, kippaartumik pingasoriarluni suliarnik uninngatitsiinnarsimanerit, tassa, ukiuni marlunni qaammatinilu pingasuni, aamma qaammatini qulini kiisalu qaammatini arfineq marlunni. Tassa katillugu suliap suliarniarneqarsimavoq ukiut tallimat sinnerlugit. Taamaattorli suliap inaarutaasumik aalajangiiffiginagu kommunip matusimallugu. Suliap aappaani suliap paamaarunneqarsimavoq ukiut sisamat sinnerlugit, taakkunannga ukiut pingasut sinnerlugit uninngatinneqarsimalluni. Aatsaallu innuttaasumit kommune nukingisaarneqarmat, kommunimit malugineqarsimalluni suliap suliarineqarsimannginnera.

Ombudsmandip Inatsisartut Inatsisinut Ataatsimiititaliaannik ataatsimeeqateqarnermi erseqqissaassutigivaa, siusinaartumik sulisinnaajunnaarnersiuteqalerniarluni suliarni aamma meeqqat angerlarsimaffiup avataanut inissinneqartarnerini angerlartinneqartarneriniluunniit, kommuninit kukkunerpassuit sivisuallaamillu suliarninnittarnerni tamatigut utoqqatsissutigineqartartoq, tassa sammisani suliapqarsinnaasunik sulisussaaleqineq. Ombudsmandimiit kommunit noqqaavigineqarpata suliat suliarineqarneranni tulleriissaarinermik allattukkanik nassuiaatinillu, amerlasuutigut tunniunneqartarput amigaateqartorujussuit, amigaatillu ombudsmandimit ugartorneqarpata nassuiaasseqqusisippallu, qularutissaanngitsumik piviusumillu akissutaasarpoq; sulisoq pineqartoq suliunnaarnikuummat, kommunip naluaa susoqarsimanersoq imaluunniit qanga tamanna pisimanersoq.

Inatsisartut Inatsisinut Ataatsimiititaliaannik ombudsmandip ataatsimeeqateqarnermi kommunit sulisoqarniarnermikkut unamminartorsiortarnerat paasillugu oqaatigivaa. Kisianni

ombudsmandip akuerisinnaangilaa unamminartut tamakku uteqattaartuuneri, ilutigitillugumi kommuninit suliani ataasiakkaani eqqaamassutissanik allattuisussaanertik annertuumik sumiginnartarmassuk.

Kommuninit ingerlatsineq pillugu inatsit malinneqaraluarpata, sulianilu ataasiakkaani tamakkiisumik eqqaamasassiissutinik allattuisoqartaraluarpat, kommunit satsillutik pisassanngikkaluarput. Eqqaamasassiisarnerit ileqqorineqartuuppata ombudsmandip qularutiginnilaa, suliat ikinneerarsuit puigorneqarlutik uninngatiinnarneqartassanngikkaluartut.

Taamatut paasinnineq inatsisunut ataatsimiititaliamit ilalerneqarpoq.

Med disse bemærkninger fremsætter et enigt Lovudvalg forslag om, at Inatsisartut tager Ombudsmandens beretning for 2023 til efterretning.

Lovudvalget ønsker samtidig at takke Ombudsmanden for det arbejde, som Ombudsmanden har udført i 2023.